

Տաղ ճրագալուցի Ծննդեան¹

Այսօր աւետեաց Գաբրիէլի լրումն եղանի առ Կոյս Մարիամ:

Այսօր աներբին իննամսեան աճմամբ առլըցեալ յարգանդի
Կուսին:

Այսօր գայ Յովսէփ 'ի քաղաք Դաւթի ընդ Կուսին յայրն
իջեվանի:

Այսօր երկնային արքայն մըտանէ 'դ երկրաւոր արքայի գըրոյ:

Այսօր ազգ մարդկան վերագրին աշխարհագրաւն այն
յաշխարհըն վերին:

Այսօր 'ի Հօրէ անմարմին ծընեալ որդի, նոյն մարմնով
ծընանի:

Այսօր Բանն աննիւթ թանձրացեալ հիւթական մարմնով
յայտնեալ երեւի:

Այսօր լուծանի երկունք անիծից նախահօրն ծնընդեամբ
սուրբ Կուսին:

Այսօր մեզ Դաւիթ տասնաղեաւըն տայ նըշան, գըտաք
յեփրաթայ:

Այսօր ընդ Միքեալ Բեթղէմ ցընծայ տուն եղեալ երկնաւոր
հացին:

Այսօր 'ստ Եսայեայ Կոյսըն մայր լինի սքանչելեօք
Էմմանուէլի.

Այսօր հոգեղէնք տան որդւոց մարդկան աւետիս, ծընաւ ձեզ
փըրկիչ.

Այսօր ընդ հովիւսն երգս առեալ գոչեմք, ասելով ըզփառս 'ի
բարձունս:

¹ Տն. Ներսէսի Շնորհալոյ Հայոց Կաթողիկոսի Բանք Ձափաւ [*Poetic Writings of Lord Nersēs Shnorhali, Catholicos of Armenia*], Venice: St. Ghazar, 1830, pp. 369–370.

Տաղ Ի Ծնունդն Տեան²

Տէր փառաց անճառ ծընեալ յառաջ քան գլաւիտեանս,
Նոյն ծընաւ այսօր 'ի Պեթղահեմ քաղաք Դաւթի:

Բարուն երկնային իմաստութիւն Հօր անեղին
Յանքանից մըսուր 'ի խանձարուրս պատեալ դընի.

Նըստեալն 'ի Քրովբէս յաթոռ փառացըն հինաւուրցն
Ի գիրկըս Կուսին տըղայապէս բառնի մանուկ:

Երկնաւոր զօրացըն թագաւոր մեծ և յաղթող
Յամպ թեթել նըստի 'ի յԵգիպտոս փախչի կամաւ:

Բամից համայնից ստեղծող և տէր, անտես վերնոց.
Յերկրի երեւի և ընդ որդւոց մարդկան շըրջի:

Սրովբէից թեւօք պարածածկեալ 'ի սուրբ սըրբոցն,
Խոնարհեալ հայցէ 'ի ծառայէն իւր մըկըրտիլ:

Եկեալ հուրն Աստուած Յորդանանու յորձանսն իջեալ,
Ջըրով կիզու զմեղս աղամային բնութեան մարդկան:

Սարսեալ ամլորդւոյն 'ի կիզանող յահեղ բոցոյն,
Հրաժարէր մերձիլ 'ի ճառագայթն անճառ փառաց:

Ի բարձանց Հոգին աղաւնակերպ էջ առ նըմա,
Մատամբ ցուցանէ զծածկեալ մարմնով բնութեամբն
Աստուած:

Էրկնից դրունք բացան, այն զոր փակեաց մեղօք Ադամ,
Հօր բարբառ հընչեաց. Դա իմ Որդի, դըմա լուարուք:

Սուրբ Երրորդութեանն երից անձանց խորհուրդ յայտնեալ,
Ջոր փառաւորենք անլըռելի ձայնիւ երգով.

Այժմ և հանապազ ընդ Հօր զՈրդի զովենք Հոգւով,
Մի աստուածութեան տացուք ըզփառս միշտ յաւիտեան:

² *Poetic Writings*, pp. 372–374.